

四庫全書

集部

欽定四庫全書

御定全唐詩卷八百六

集部

詳校官庶吉士臣何道沖

主事銜臣徐以坤覆勘

總校官知縣臣繆琪

校對官中書臣金光悌

謄錄監生臣金拱閻

欽定四庫全書

御定全唐詩卷八百六

寒山

寒山子不知何許人居天台唐興縣寒巖時往還國清
寺以樺皮為冠布裘弊履或長廊唱咏或村墅歌嘯人
莫識之閭丘胤宦丹丘臨行遇豐干師言從天台來問
丘間彼地有何賢堪師師曰寒山文殊拾得普賢在國
清寺庫院厨中著火閭丘到官三日親往寺中見二人

便禮拜二人大笑曰豐干饒舌饒舌阿彌不識禮我何
為即走出寺歸寒巖寒山子入穴而去其穴自合嘗於
竹木石壁書詩并村墅屋壁所寫文句三百餘首今編
詩一卷

詩三百三首

凡讀我詩者心中須護淨慳貪繼日廉諂曲登時正驅
遣除一作遣惡業歸依受真性今日得佛身急急如律令
重巖我卜居鳥道絕人迹庭際何所有白雲抱幽石住

茲凡幾年屢見春冬易寄語鍾鼎家虛名定無一作益

可笑寒山道而無車馬蹤聯谿難記曲疊嶂不知重泣
露千般草吟風一樣松此時迷徑處形問影何從

吾家好隱淪居處絕囂塵踐草成三徑瞻雲作四鄰助
歌聲有鳥問法語無人今日娑婆樹幾年為一春

琴書須自隨祿位用何為投輦從賢婦巾車有孝兒風
吹曝麥地水溢沃魚池常念鶴鶴鳥安身在一枝

弟兄同五郡父子本三州欲驗飛鳧集須徵白兔遊靈

瓜夢裏受神橘座中收鄉國何迢遼同魚寄水流

一為書劔客二

一作三

遇聖明君東守文不賞西征武不

勲學文兼學武學武兼學文今日既老矣餘生不足云

莊子說送終

一作死

天地為棺槨吾歸此有時唯須一番

箔死將餒青蠅吊不勞白鶴餓著首陽山生廉死亦樂

人問寒山道寒山路不通夏天水未釋日出霧朦朧似

我何由屈與君心不同君心若似我還得到其中

天生百尺樹剪作長條木可惜棟梁材拋之在幽谷年

多心尚勁日久皮漸禿識者取將來猶堪柱馬屋

驅馬度荒城荒城動

一作重

客情高低舊雉堞大小古墳

瑩自振孤蓬影長凝拱木聲所嗟皆俗骨仙史更無名
鸚鵡宅西國虞羅捕得歸美人朝夕弄出入在庭幃賜
以金籠貯局哉損羽衣不如鴻與鶴颯颯入雲飛

玉堂挂珠簾中有嬋娟子其貌勝神仙容華若桃李東
家春霧和西舍秋風起更過三十年還成昔蔗滓

城中蛾眉女珠珮珂

一作何

珊珊鸚鵡花前弄琵琶月下

彈長歌三日響短舞萬人看未必長如此芙蓉不耐寒
父母績經多田園不羨他婦搖機軋軋兒弄口啜啜拍
手摧花舞搯頤聽鳥歌誰當來歎賞樵客屢經過

家住綠巖下庭蕪更不芟新藤垂繚繞古石豎巉巖山
果獼猴摘池魚白鷺銜仙書一兩卷樹下讀喃喃

四時無止息年去又年來萬物有代謝九天無朽摧東
明又西暗花落復花開唯有黃泉客冥冥去不迴

歲去換愁年春來物色鮮山花笑

一作夾

淶水巖岫

一作樹

舞青煙蜂蝶自云樂禽魚更可憐
朋遊情未已徹曉不能眠

手筆太縱橫身材極瓌一作瑋生為有限身死作無名

鬼自古如此多一作多如此君今爭奈何可來白雲裏教爾

紫芝歌

欲得安身處寒山可長保微風吹幽松近聽聲逾好
下有斑白人喃喃讀黃老十年歸不得忘却來時道

俊傑馬上郎揮鞭指綠楊謂言無死日終不作梯航四

運花自好一朝成萎黃醜與石蜜至死不能嘗

有一餐霞子其居諱俗遊論時實蕭爽在夏亦如秋幽
澗常瀝瀝高松風颼颼其中半日坐忘却百年愁

妾在

一作家

邯鄲住歌聲亦抑揚賴我安居

一作隱

處此曲

舊來長既醉莫言歸留連日未央兒家寢宿處繡被滿
銀牀

快榜三翼舟善乘千里馬莫能造我家謂言最幽野巖

幽一作穴

深嶂中雲雷竟日下自非孔丘公無能相救者

智者君拋我愚者我拋君非愚亦非智從此斷

一作繼

相

聞入夜歌明月侵晨舞白雲馬能拱

一作住

口手端坐鬢

紛紛

有鳥五色文棲桐食竹實徐動合禮

一作和

儀和鳴中音

律

一作鳴中施禮律

昨來何以至為吾

一作君

暫時出儻聞絃歌

聲作舞欣今日

茅棟野人居門前車馬疎林幽偏聚鳥谿闊本藏魚山
果攜兒摘臯田共婦鋤家中何所有唯有一牀書

登陟寒山道寒山路不窮谿長石磊磊澗闊草濛濛苔
滑非關雨松鳴不假風誰能超世累共坐白雲中

六極常嬰困九維徒自論有才遺草澤無藝閉蓬門日
上巖猶暗煙消谷尚昏其中長者子箇箇總無棍

白雲高嵯峨淥水蕩潭波此處聞漁父時時鼓棹歌聲
聲不可聽令我愁思多誰謂雀無角其如穿屋何

杳杳寒山道落落冷澗濱啾啾常有鳥寂寂更無人磧

磧一作浙浙風吹面紛紛雪積身朝朝不見日歲歲不知春

少年何所愁愁見鬢毛白白更何所愁愁見日逼迫移
向東岱居配守北邙宅何忍出此言此言傷老客

聞道愁難遣斯言謂一作會不真昨朝曾一作始赴却今日

又纏身月盡愁難盡年新愁更新誰知席帽下元是昔
愁人

兩龜乘犢車驀出路頭戲一蠹一作藝從旁來苦死欲求

寄不載爽人情始載被沈累彈指不可論行恩却遭刺

三月蠶猶小女人來采花隈一作隔牆弄蝴蝶臨水擲蝦

蝻羅袖盛梅子金鏡挑筍芽鬪論多一作物色此地勝

一作是余家

東家一老婆富來三五年昔日貧於我今笑我無錢渠
笑我在後我笑渠在前相笑儻不止東邊復西邊

富兒多鞅掌觸事難祇承倉米已赫赤不貸人斗升轉
懷鉤距意買絹先揀綾若至臨終日弔客有蒼蠅

余曾昔覩聰明士博達英靈一作無比論一選嘉名喧

宇宙五言詩句越諸人為官治化超先輩直為無能繼

後塵忽然富貴貪財色瓦解冰消不可陳

白鶴銜苦桃

一作花

千里作一息欲往蓬萊山將此充糧

食未達毛摧落離羣心慘惻却歸舊來巢妻子不相識

慣居幽隱處乍向國清中時訪豐干道

一作老

仍來看拾

公獨迴上寒巖無人話合同尋究無源水源窮水不窮

生前大愚癡不爲今日悟今日如許貧總是前生作

一作

做今生又不修來生還如故兩岸各無船渺渺難濟渡

璨璨盧家女舊來名莫愁貪乘摘花馬樂榜采蓮舟膝

坐綠熊席身披青鳳裘哀傷百年內不免歸山丘

低眼鄒公妻邯鄲杜生母二人同老少

一作共老

一種好面

首昨日會客場惡衣排在後只爲著破裙喫他殘麩粳

上蒲口切

下郎斗切

獨臥重巖下蒸雲晝不消室中雖暗黷心裏絕喧囂夢
去遊金闕魂歸度石橋拋除鬧我者歷歷樹間瓢

夫物有所用用之各有宜用之若失所一缺復一虧圓

鑿而方杓悲哉空爾爲驂騮將捕鼠不及跛貓兒

誰家長不死，死事舊來均。始憶八尺漢，俄成一聚塵。黃
泉無曉日，青草有時春。行到傷心處，松風愁殺人。

騮馬珊瑚鞭，驅馳洛陽道。自矜

一作憐

美少年，不信有衰

老。白髮會應生，紅顏豈長保。但看北邙山，箇是蓬萊島。

竟日常如醉，流年不暫停。埋著蓬蒿下，曉月

一作日

何冥

冥骨肉消散盡，魂魄幾凋零。遮莫蛟鐵口，無因讀老經。

一向寒山坐，淹留三十年。昨來訪親友，大半入黃泉。漸

減

一作減

如殘燭，長流似逝川。今朝對孤影，不覺淚雙懸。

相喚採芙蓉可憐清江裏遊戲不覺暮屢見狂風起浪
捧鴛鴦兒波搖鷓鴣子此時居舟楫浩蕩情無已

吾心似秋月碧潭清皎潔無物堪比倫教我如何說

垂柳暗如煙飛花飄似霰夫居離婦州婦住思夫縣各

在天一涯何時得

一作復

相見寄語明月樓莫貯雙飛燕

有酒相招飲有肉相呼喫黃泉前後人少壯須努力玉
帶暫時華金釵非久飾張翁與鄭婆一去無消息

可憐好丈夫身體極稜稜春秋未三十才藝百般能金

羈逐俠客玉饌集良朋
唯有一般惡不傳
無盡燈

桃花欲經夏風月催不待訪覓漢時人
能無一箇在朝
朝花遷落歲歲人移改今日揚塵處
昔時為大海

我見東家女年可有十一一作十有
八西舍競來問願姻夫妻

活一作活烹羊煮衆命聚頭作姪殺
含笑樂呵呵啼哭受

殃扶一作決

田舍多桑園牛犢滿廐轍肯信有因果
頑皮早晚裂眼
看消磨盡當頭各自活紙袴瓦作視
到頭凍餓殺

我見百十狗箇箇毛鬚鬚臥者渠自臥行者渠自行投

之一塊骨相與嗙喋

上牛皆切
下士皆切

爭良由為骨少狗多分

不平

極目兮長望白雲四茫茫鷓鴣飽腹鸞鳳飢傍徨駿
馬放石磧蹇驢能至堂天高不可問鷓鴣在滄浪

洛陽多女兒春日逞華麗共折路邊花各持挿高髻髻
高花匝匝人見皆睥睨別求醪醪憐將歸見夫壻

春女街容儀相將南陌陔看花愁日晚隱樹怕風吹年

少從傍來白馬黃金羈何須久相弄兒家夫婿知

羣女戲夕陽風來滿路香綴裙金映蝶插髻玉鴛鴦角
婢紅羅縝閣奴紫錦裳為觀失道者鬢白心惶惶

若人逢鬼魅第一莫

一作怕

驚據

一作想

捺硬莫采渠呼名

自當去燒香請佛力禮拜求僧助蚊子叮鐵牛無渠下
鬢處

浩浩黃河水東流長不息悠悠不見清人人壽有極苟
欲乘白雲曷由生羽翼唯當鬢髮

一作鬢

時行住須努力

乘茲朽木船采彼紉婆子

紉音士佛經西國苦樹名其子根枝俱苦喻衆生之惡

行至大海中波濤復不止唯費一宿糧去岸三千里煩
惱從何生愁哉緣苦起

默默永無言後生何所述隱居在林藪智日

一作境

何由

出枯槁非堅衛風霜成天疾土牛耕石田未有得稻日
山中何太冷自古非今年沓嶂恒凝雪幽林每吐煙草
生芒種後葉落立秋前此有沈迷客窺窺不見天

山客心悄悄常嗟歲序遷辛勤采芟木搜斥詎成仙庭

廓雲初卷林明月正圓不歸何所為桂樹相留連

有人兮山楹

一作

雲卷兮霞纓秉芳兮欲寄路漫漫兮

難征心惆悵兮狐疑年老已無成衆嗻伊斯

一本無此九字

獨立兮忠貞

豬喫死人肉人喫死豬腸豬不嫌人臭人反道豬香豬
死拋水內人死掘土藏彼此莫相噉蓮花生沸湯

快哉混沌身不飯復不尿遭得誰鑽鑿因茲一作立九

竅朝朝為衣食歲歲愁租調千箇爭一錢聚頭亡命叫

啼哭緣何事淚如珠子顆應當有別離復是遭喪禍所

為在貧窮未能了因果塚間瞻死屍六道不干一作我

婦女慵經織男夫嬾耨田輕浮耽挾彈跣一作躡躡上都

協二切跣屣也下所倚所買二切舞履也拈抹弦凍骨衣應急充腸食在先

今誰念於汝苦痛一作哭蒼天

不行真正道隨邪號行婆口慙神佛少心懷嫉妬多背

後噎魚肉人前念佛陀如此修身處難應避奈何

世有一等愚茫茫恰似驢還解人言語貪姪狀若豬險

岷難可測實語却成虛誰能共伊語令教莫此居

有漢姓傲慢名貪字不廉一身無所解百事被他嫌死
惡黃連苦生憐白蜜甜喫魚猶未止食肉更無厭

縱你居犀角饒君帶虎睛桃枝將辟穢

一作折
一作醫蒜殼取

為瓔暖腹茱萸酒空心枸杞羹終歸不免死浪自覓長
生

卜擇幽居地天台更莫言猿啼谿霧冷嶽色草門連折
葉覆松室開池引澗泉已甘休萬事采薇度殘年

益者益其精可名為有益易者易其形是名之一作有為

易能益復能易當得上仙籍無益復無易終不免死厄

徒勞說三史浪自看五經洎老檢黃籍依前住一作白注

丁筮遭連一作連蹇卦生主虛危星不及河邊樹年年一

度青

碧澗泉水清寒山月華白默知神自明觀空境逾寂

我今有一襦非羅復非綺借問作何色不紅亦不紫夏

天將作衫冬天將作被冬夏遞互用長年只這一作是者

白拂梅檀柄馨香竟日聞柔和如卷霧搖拽似行雲禮

奉宜當暑高提復去

一作祛

塵時時方丈內將用指迷人

貪愛有人求快活不知禍在百年身但看陽燄浮漚水
便覺無常敗壞人丈夫志氣直如鐵無曲心中道自真
行密節高霜下竹方知不枉用心神

多少般數人百計求名利心貪覓榮華經營圖富貴心
未片時歇奔突如煙氣家眷實團圓一呼百諾至不過
七十年水消瓦解置死了萬事休誰人承後嗣水浸泥

彈丸方知無意智

貪人好聚財恰如梟愛子子大而食母財多還害已散
之即福生聚之即禍起無財亦無禍鼓翼青雲裏

去家一萬里提劍擊匈奴得利渠即死失利汝即殂渠
命既不惜汝命亦一作何辜教汝百勝術不貪為上謨

瞋是心中火能燒功德林欲行菩薩道忍辱護真心

汝為一作埋頭癡兀兀愛向無明羅刹窟再三勸你早

修行是你頑癡心慌惚不肯信受寒山語轉轉倍加業

汨汨直待斬首作兩段方知自身奴賊物

惡趣甚茫茫冥冥無日光人間八百歲未抵半宵長此
等諸癡子論情甚可傷勸君求出離認取法中王

世有多解人愚癡徒苦辛不求當來善唯知造惡因五
逆十惡輩三毒以為親一死入地獄長如鎮庫銀

天高高不窮地厚厚無極動物在其中憑茲造化力爭
頭覓飽暖作計相噉食因果都未詳盲兒問乳色

天下幾種人論時色數有賈婆如許夫黃老元無婦衛

氏兒可憐鍾家女極醜渠若向西行我便東邊走

賢士不貪婪癡人好鑪冶麥地占他家竹園皆我者努
膊覓錢財切齒驅奴馬須看郭門外纍纍松柏下

噴噴買魚肉擔歸餒妻子何須殺他命將來活汝已此
非天堂緣純是地獄滓徐六語破堆始知沒道理

有人把椿樹喚作白梅檀學道多沙數幾箇得泥丸棄
金却擔草謾他亦自謾似聚砂一處成團也大難

蒸砂擬作飯臨渴始掘井用力磨碌磚那堪將作鏡佛

說元平等總有真如性但自審思量不用閑爭競

推尋世間事子細總皆

一作要

知凡事莫容易盡愛討便

宜護即弊成好毀即是成非故知雜濫口背面總由伊
冷暖我自量不信奴脣皮

蹭蹬諸貧士飢寒成至極閑居好作詩札札用心力賤

他人

一作

言孰采勸君休歎息題安餽麩上乞狗也不喫

欲識生死譬且將冰水比水結即成冰冰消返成水已
死必應生出生還復死冰水不相傷生死還雙美

尋思少年日遊獵向平陵國使職非願神仙未足稱聯

翩騎白馬喝兔放蒼鷹不覺大

一作今

流落皤皤誰見矜

偃息深林下從生是農夫立身既質直出語無諂諛保
我不鑿壁信君方得珠焉能同泛濫極目波上鳧

不須攻人惡何用

一作不須

伐已善行之則可行卷之則可卷

祿厚憂積

一作責

大言深慮交淺聞茲若念茲小子當自見

富兒會高堂華燈何煒煌此時無燭者心願處其傍不
意遭排遣還歸暗處藏益人明詎損頓訝惜餘光

世有聰明士勤一作救苦探幽文三端自孤立六藝越諸

君神氣卓然異精彩超衆羣不識箇中意逐境亂紛紛
層層山水秀煙霞鎖翠微嵐拂紗巾濕露霑蓑草衣足
躡遊方履手執古藤枝更觀塵世外夢境復何為

滿卷才子詩溢壺聖人酒行愛觀牛犢坐不離左右霜

露入茅簷月華明瓮一作戶牖此時吸兩甌吟詩五百一作

兩首

施家有兩兒以藝干齊楚文武各自備託身為得所孟

公問其術我子親教汝秦衛兩不成失時成齟齬

止宿鴛鴦鳥一雄兼一雌銜花相共食刷羽每相隨戲

入煙霄裏宿歸沙岸濬自憐生處樂一作樂處不奪鳳皇池

或有銜行人才藝過周孔見罷頭兀兀看時身侗侗繩

牽未肯行錐刺猶不動恰似羊公鶴可憐生氈氈上徒紅切

下名孔切

小小帶經鋤本將兄共居緣遭他輩責刺被自妻疎拋

絕紅塵境常遊好閱書誰能借一作惜一斗水活取轍中魚

變化計無窮生死竟不止三途烏雀身五嶽龍魚已世

濁作親孺

上女奚切下奴
溝切胡羊也

時清為駮駢前迴是富兒今

度成貧士

書判全非弱嫌身不得官銓曹被拘折洗垢覓瘡癩必

也關天命

一作保

今冬更試看盲兒射雀目偶中亦非難

貧驢欠一尺富狗刺三寸若分貧不平中半富與困始

取驢飽足却令狗飢頓為汝熟思量令我也愁悶

柳郎八十二藍嫂一十八夫妻共百年相憐情狡猾弄

璋字烏醜擲瓦名娼媼

上一九切
下奴荅切

屢見枯楊蕙常遭青

女殺

大有飢寒客生將獸魚殊長存磨石下

一作廟
下石時哭
作一

笑路邊隅累日空思飯經冬不識襦唯齋一束草并帶

五升麩

赫赫誰覩肆其酒甚濃厚可憐高幡幟極目平升斗何

意訝不售其家多猛狗童子欲

一作若

來沽狗齧便是走

吁嗟濁濫處羅刹共賢人謂是等

一作荒

流類焉知道不

親狐假師子勢詐妄却稱珍鉛礦入鑪冶方知金不真

一作精

田家避暑月斗酒共誰歡雜雜排山果疎疎圍酒罇蘆
簞將代席蕉葉且充盤醉後搯頤坐須彌小彈丸

箇是何措大時來省南院年可三十餘曾經四五選囊
裏無青蚨篋中有黃絹一作卷行到食店前不敢暫迴面

為人常喚用愛意須慳惜老去不自由漸被他推一作催

斥送向荒山頭一生願虛擲亡羊罷補牢失意終無極

浪造凌霄閣虛登百尺樓養生仍天命誘讀詎封侯不

用從黃口

一作石

何須厭白頭未能端似箭且莫曲如鉤

雲山疊疊連天碧路僻林深無客遊遠望孤蟾明皎皎
近聞羣鳥語啾啾老夫獨坐棲青嶂少室閑居任白頭
可歎往年與今日無心還似水東流

富貴疎親聚只為多錢米貧賤骨肉離非關少兄弟急
須歸去來招賢閣未啓浪行朱雀街踏破皮鞋底

我見一癡漢仍居三兩婦養得八九兒總是隨宜手丁

防一作是新差資財非舊有黃藥作驢鞦始知苦在後

新穀尚未熟舊穀今已無就貸一斗許門外立踟躕夫
出教問婦婦出遣問夫慳惜不救乏財多為累愚

大有好笑事畧陳三五箇張公富奢華孟子貧軫軻只
取侏儒飽不憐方朔餓巴歌唱者多白雪無人和

老翁娶少婦髮白婦不耐老婆嫁少夫面黃夫不愛老
翁娶老婆一一無棄背少婦嫁少夫兩兩相憐態

雍容美少年博覽諸經史盡號曰先生皆稱為學士未

能得官職不解秉耒耜冬披破布衫蓋是書誤已

鳥語

一作弄

情不堪其時臥草菴櫻桃紅爍爍楊柳正毵

毵旭日銜青嶂晴雲洗淥潭誰知出塵俗馭上寒山南
昨日何悠悠場中可憐許上為桃李徑下作蘭蓀渚復
有綺羅人舍中翠毛羽相逢欲相喚脈脈不能語

丈夫莫守困無錢須經紀養得一牯牛生得五犢子犢
子又生兒積數無窮已寄語陶朱公富與君相似

之子何惶惶

一作
惶惶

卜居須自審南方瘴癘多北地風霜

甚荒陬不可居毒川難可飲魂兮歸去來食我家園甚

昨夜夢還家

一作鄉

見婦機中織駐梭如有思擊梭似無

力呼之迴面視況復不相識應是別多年鬢毛非舊色
人生不滿百常懷千載憂自身病始可又為子孫愁下
視禾根土上看桑樹頭秤鉅落東海到底始知休

世有一等流悠悠似木頭出語無知解云我百不憂問
道道不會問佛佛不求子細推尋著茫然一場愁

董郎年少時出入帝京裏衫作嫩鵝黃容儀畫相似常

騎踏雪馬拂拂紅塵起觀者滿路傍箇是誰家子

箇是誰家子為人大被憎癡心常憤憤肉眼醉曹曹見
佛不禮佛逢僧不施僧唯知打大鸞除此百無能

人以身為本本以心為柄本在心莫邪心邪喪本命未
能免此殃何言嬾照鏡不念金剛經却令菩薩病

城北仲家翁渠家多酒肉仲翁婦死時帛客滿堂屋仲
翁自身亡能無一人哭喫他栢鬻者何太冷心腹

下愚讀我詩不解却嗤誚中庸讀我詩思量云甚要上

賢讀我詩把著滿面笑揚修見幼婦一覽便知妙

自有慳惜人我非慳惜輩衣單爲舞穿酒盡緣歌啐當

一作常 取一腹飽莫令兩脚儼蓬蒿鑽髑髏此日君應悔

我行經古墳淚盡嗟存沒塚破壓黃腸棺穿露白骨
斜有甕餅振撥無簪笏風至攬其中灰塵亂埽埽

夕陽赫一作下 西山草木光曄曄復有朦朧處松蘿相連

接此中多伏虎見我奮迅鬣手中無寸刃爭不懼懾懾
出身既擾擾世事非一狀未能捨流俗所以相追訪昨

弔徐五死今送劉三葬終

一作日

日不得聞爲此心悽愴

有樂且須樂時哉不可失雖云一百年豈滿三萬日寄

世是須臾論錢莫啾唧孝經未後章

一作篇

委曲陳情畢

獨坐常怱怱情懷何悠悠山腰雲縵縵

一作漫漫

谷口風颼

颼猿來樹娟娟鳥入林啾啾時催鬢颯颯歲盡老惆惆

一人好頭肚六藝盡皆通南見驅歸

一作趨

北西風趨向

東長漂如泛萍不息似飛蓬問是何等色姓貧名曰窮

他賢君即受不賢君莫與君賢他見容不賢他亦拒嘉

善矜不能仁徒方得所勸
逐子張言拋却卜商語

俗薄真成薄人心箇不同
殷翁笑柳老柳老笑殷翁
何故兩相笑俱行諛
說中裝車競峭嶮翻載各瀧凍

是我有錢日恒爲汝貸
將汝今既飽暖見我不分張
須憶汝欲得似我今承望
有無更代事勸汝熟思量

人生一百年佛說十二部
慈悲如野鹿瞋忿一作怒似家

狗家狗趣不去野鹿常好走
欲伏獼猴心須聽獅子吼

教汝數般事思量一作賢知我賢極貧
忍賣屋纔富須買

田空腹不得走枕頭須莫眠此言期衆見挂在日東邊

寒山多幽竒登者皆怛懾月照水澄澄風吹草獵獵凋

梅雪作花杙木雲充葉觸雨轉鮮

一作仙

靈非晴不可涉

有樹先林生計年逾一倍根遭陵谷變葉被風霜改咸

笑外凋零不憐內文采皮膚脫落盡唯有貞

一作真

實在

寒山有躑蟲身白而頭黑手把兩卷書一道將一德住

不安釜竈行不齋衣祴常持智慧劍擬破煩惱賊

有人畏白首不肯捨朱紱采藥空求仙根苗亂挑掘數

年無効驗癡意瞋佛鬱獵師披袈裟元非汝使物

昔時可可貧今朝

一作日

最貧凍作事不諧和觸途成控

憇行泥屢脚屈坐社頻腹痛失却斑猫兒老鼠圍飯甕

我見世間人堂堂好儀相不報父母恩方寸底模樣欠

負他人錢蹄穿始惆悵箇箇惜妻兒爺孃不供養兄弟

似冤家中長悵

一作悵

快憶昔少年時求神願成長今

為不孝子世間多此樣買肉自家噎抹嘴道我暢自逞

說嘍囉聰明無益當牛頭努目瞋出去始時

一作始時已

擇佛燒好香揀僧歸供養羅漢門前乞趁却閑和尚不
悟無為人從來無相狀封疏請名僧覲錢兩三樣雲光
好法師安角在頭上汝無平等心聖賢俱不降凡聖皆
混然勸君休取相我法妙難思天龍盡迴向我今稽首
禮無上法中王慈悲大喜捨名稱滿十方衆生作依怙
智慧身金剛頂禮無所著我師大法王一本無我法
以下十句

可貴天然物獨一

一作
立

無伴侶覓他不可見出入無門

戶促之在方寸延之一切處你若不信愛相逢不相遇

余家有一窟窟中無一物淨潔空堂堂光華明日日
食養微軀布裘遮幻質任你千聖現我有天真佛

男兒大丈夫作事莫莽鹵勁挺鐵石心直取菩提路邪
路不用行行之枉辛苦不要求佛果識取心王主

粵自居寒山曾經幾萬載任運遯林泉棲遲觀自在寒
巖人不到白雲常靉靄細草作臥褥青天為被蓋快活
枕石頭天地任變改

可重是寒山白雲常自閑猿啼暢道內虎嘯出人間獨

步石可履孤吟藤好攀松風清颯颯鳥語聲喧喧

閒自訪高僧煙山萬萬層師親指歸路月挂一輪燈

閒遊華頂上日朗晝

一作大朗月

光輝四顧晴空裏白雲同

鶴飛

世有多事人廣學諸知見不識本真性與道轉懸遠若能明實相豈用陳虛願一念了自心開佛之知見

寒山有一宅宅中無闌隔六門左右通堂中見天碧碧房虛索索東壁打西壁其中一物無免被人來惜寒到

燒燠火飢來煮菜喫不學田舍翁廣置牛一作田莊宅盡

作地獄業一入何曾極好好善思量思量知軌則

儂家暫下山入到城隍裏逢見一羣女端正容貌美頭
戴蜀樣花燕脂塗粉膩金釧鏤銀朶羅衣緋紅紫朱顏
類神仙香帶氤氳氣時人皆顧盼癡愛染心意謂言世
無雙魂影隨他去狗齧枯骨頭虛自舐脣齒不解返思
量與畜何曾異今成白髮婆老陋若精魅無始由狗心

不超解脫地

一自遯寒山養命餐山果平生何所憂此世隨緣過日
月如逝川光陰石中火任你天地移我暢巖中坐

我見世間人茫茫走路塵不知此中事將何為去津滌
華能幾日眷屬片時親縱有千斤金不如林下貧

自聞梁朝日四依諸賢士寶誌萬迴師四仙傳大士顯
揚一代教作時如來使造建一作建僧伽藍信心歸佛理

雖乃得如斯有為多患累與道殊懸遠折西補東爾不
達無為功損多益少利一作矣有聲而無形至今何處去

一作
是

吁嗟貧復病為人絕友親甕裏長無飯甑中屢生塵蓬
菴不免雨漏榻劣容身莫怪今憔悴多愁定損人

養女畏太多已生須訓誘捺頭遣小心鞭背令緘口未
解乘機杼那堪事箕箒張婆語驢駒汝大不如一作母

秉志不可卷須知我匪席浪造山林中獨臥盤陀石辯
士來勸余速令受金壁鑿牆植蓬蒿若此非有益

以我棲遲處幽深難可論無風蘿一作藤自動不霧竹長

昏澗水緣誰咽山雲忽自屯午時菴內坐始覺日頭暈

憶昔遇

一作惜過

逢處人間逐勝遊樂山登萬仞愛水泛千

舟送客琵琶谷攜琴鸚鵡洲馬知松樹下抱膝冷颼颼
報汝修道者進求虛勞神人有精靈物無字復無文呼
時歷歷應隱處不居存叮嚀善保護勿令有點痕

去年春鳥鳴此時思弟兄今年秋菊爛此時思發生綠
水千腸咽黃雲四面平哀哉百年內腸斷憶咸京

多少天台人不識寒山子莫知真意度喚作閑言語

一住寒山萬事休更無雜念挂心頭
閑於石壁題詩句
任運還同不繫舟

可惜百年屋左倒右復傾
牆壁分散盡木植亂差橫
瓦片片落朽爛不堪停
狂風吹驀塌再豎卒難成

精神殊爽爽形貌極堂堂
能射穿七札讀書覽五行
經

眠虎頭枕昔坐象牙牀
若無一一作阿堵物不啻冷如霜

笑我田舍兒頭頰底熱一作濕
巾子未曾高腰帶長時

急非是不及時無錢趁不及
一日有錢財浮圖頂上立

買肉血漉漉

一作
聒

買魚跳鱗鱗君身招罪累妻子成快

活纔死渠便嫁

一作捷死
渠家去

他人誰敢過一朝如破牀兩

箇當頭脫

客難

一作
歎

寒山子君詩無道理吾觀乎古人貧賤不為

恥應之笑此言談何疎濶矣願君似今日錢是急事爾

從生不往來至死無仁義言既有枝葉心懷便險詖若

其開小道緣此生大偽詐說造雲梯削之成棘刺

一餅鑄金成一餅埏泥出二餅任君看那箇餅牢實欲

知餅有二須知業非一將此驗生因修行在今日
摧殘荒草廬其中煙火蔚借問羣小兒生來凡幾日門
外有三車迎之不肯出飽食腹膨脞箇是癡頑物

有身與無身是我復非我如此審思量遷延倚巖坐足
間青草生頂上紅塵墮已見俗中人靈牀施酒果

昨見河邊樹摧殘不可論二三餘幹在一作藥卉千萬斧刀

痕霜凋萎疎一作黃葉波衝枯朽根生處當如此何用怨

乾坤

余見僧繇性希奇巧妙間生梁朝時道子飄然為殊特
二公善繪手毫揮逞畫圖真意氣異龍行鬼走神巍巍
饒邈虛空寫塵跡無因畫得誌公師

久住寒山凡幾秋獨吟歌曲絕無憂蓬扉不掩常幽寂
泉涌甘漿長自流石室地鑪砂鼎沸松黃栢茗乳香甌
飢餐一粒伽陀藥心地調和倚石頭

丹邱迴聳與雲齊空裏五峰遙望低鴈塔高排出青嶂
禪林古殿入虹蜺風搖松葉赤城秀霧吐中巖仙路迷

碧落千山萬仞現藤蘿相接次連谿

千生萬死凡幾生

一作何時已

生死來去轉迷情不識心中

無價寶猶

一作恰

似盲驢信脚行

老病殘年百有餘面黃頭白好山居
布裘擁質隨緣過
豈羨人間巧樣摸心神用盡為名利
百種貪婪進已軀
浮生幻化如燈燼塚內埋身是有無

世間何事最堪嗟盡是三途造罪植
不學白雲巖下客
一條寒衲是生涯秋到任他林落葉
春來從你樹開花

三界橫眠閒無

無一作

事明月清風

風一作清

是我家

昔年曾到大海遊為采摩尼誓懇求直到龍宮深密處
金關鎖斷主神愁龍王守護安耳裏劍客星揮無處搜
賈客却歸門內去明珠元在我心頭

衆星羅列夜明深巖點孤燈月未沈圓滿光華不磨瑩
挂在青天是我心

千年石上古人蹤萬丈巖前一點空明月照時常皎潔
不勞尋討問西東

寒山頂上月輪孤照見晴空一物無可貴天然無價寶
埋在五陰溺身軀

我向前谿照碧流或向巖邊坐磐石心似孤雲無所依
悠悠世事何須覓

我家本住在寒山石巖棲息離煩緣泯時萬象無痕跡
舒處周流徧大千光影騰輝照心地無有一法當現前
方知摩尼一顆珠解用無方處處圓

世人何事可吁嗟苦樂交煎勿底涯生死往來多少劫

東西南北是誰家張王李趙權時姓六道三途事似麻
只為主人不了絕遂招遷謝逐迷邪

余家本住在天台雲路煙深絕客來千仞巖巒深可避

萬重谿澗石樓臺榭巾木屐沿流步布裘藜杖繞山迴

自覺浮生幻化事逍遙快樂實善

一作奇哉

憐底衆生病餐嘗畧不厭蒸豚搵蒜醬炙鴨點椒鹽去
骨鮮魚膾兼皮熟肉臉不知他命苦只取自家甜

讀書豈免死讀書豈免貧何以

一作似

好識字識字勝他

人丈夫不識字無處可安身黃連搵蒜醬忘計是苦辛
我見瞞人漢如籃盛水走一氣將歸家籃裏何曾有我
見被人瞞一似園中韭日日被刀傷天生還自有

不見朝垂露日爍自消除人身亦如此閻浮是寄居切

一作慎莫因循過且令三毒祛菩提即煩惱盡令無有餘

水清澄澄瑩徹底自然見心中無一事水清衆獸現一作

萬境不能轉心若一作既不妄起永劫無改變若能如是知是

知無背面

自從到此天台境，經今早度幾冬春。山水不移人自老，

見却多少後生人。

此首一作拾得詩

說食終不飽，說衣不免寒。飽喫須是飯，著衣方免寒。不解審思量，只道求佛難。迴心即是佛，莫向外頭看。

可畏輪迴苦，往復似翻塵。蟻巡環未息，六道亂紛紛。改頭換面孔，不離舊時人。速了黑暗獄，無令心性昏。

可畏三界輪，念念未曾息。纔始似出頭，又却遭沈溺。假使非非想，蓋緣多福力。爭似識真源，一得即永得。

昨日遊峰頂下窺千尺崖臨危一株樹風擺兩枝開兩
漂即零落日曬作塵埃嗟見此茂秀今為一聚灰

自古多少聖叮嚀教自信人根性不等高下有利鈍真
佛不肯認置功一作枉受困不知清淨心便是法王印

我聞天台山山中有琪樹永言欲攀之一作莫曉石橋

路緣此生悲歎幸居將已暮今日觀鏡中颯颯鬢垂素
養子不經師不及都亭鼠何曾見好人豈聞長者語為
染在薰蕕應須擇朋侶五月販鮮魚莫教人笑汝

徒閉蓬門坐頻經石火

一作歲月

遷唯聞人作鬼不見鶴成

仙念此那堪說隨緣須自憐迴瞻

一作還看

郊郭外古墓犁

為田

時人見寒山各謂是風顛貌不起人目身唯布裘纏我語他不曾他語我不言為報往來者可來向寒山

自在白雲閑從來非買山下危須策杖上險捉藤攀澗

底松常翠谿邊石白斑友朋雖阻絕春至鳥喧喧

一作關

我在村中住衆推無比方昨日到城下却被狗形相或

嫌袴太窄或說衫少長攣

一作撐

却鷄子眼雀兒舞堂堂

死生元有命富貴本由天此是古人語吾今非謬傳聰
明好短命癡駭却長年鈍物豐財寶醒醒漢無錢

國以人為本猶如樹因地厚樹扶疎地薄樹憔悴不
得露其根枝枯子先墜決陂以取魚是取一作求一期利

衆生不可說何意許顛邪面上兩惡鳥心中三毒虵是
渠作障礙使你事煩拏舉手高一作高攀手彈指南無佛陀

耶

自樂平生道煙蘿石洞間野情多放曠長伴白雲閑有
路不通世無心孰可攀石牀孤夜坐圓月上寒山

大海水無邊魚龍萬萬千遞互相食噉穴穴癡肉團為
心不了絕妄想起如煙性月澄澄朗廓爾照無邊

自見天台頂孤高出衆羣風搖松竹韻月現海潮頻下
望青山際談玄有白雲野情便山水本志慕道倫

三五癡後生作事不真實未讀十卷書強把雌黃筆將
他儒行篇喚作賊盜律脫體似蟬蟲齧破他書帙

心高如山嶽人不伏人解講圍陀典能談三教文
中無慚媿破戒違律文自言上人法稱為第一人愚者
皆讚歎智者撫掌笑陽燄虛空花豈得免生老不如百
不解靜坐絕憂惱

如許多寶貝海中乘壞舸前頭失却桅後頭又無拖宛
轉任風吹高低隨浪簸如何得到岸努力莫端坐

我見凡愚人多畜資財穀飲酒食生命謂言我富足莫
知地獄深唯求上天福罪業如毘富豈得免災毒財主

忽然死爭共當頭哭供僧讀文疏空是鬼神錄福田一
箇無虛設一羣禿不如早覺悟莫作黑暗獄狂風不動
樹心真無罪福寄語穴元一作元人叮嚀再三讀

勸你三界子莫作勿道理短被他欺理長不奈你世
間濁濫人恰似黍粘子不見無事人獨脫無能比早須
返本源三界任緣起清淨入如流莫飲無明水

三界人蠢蠢六道人茫茫貪財愛姪欲心惡若豺狼地
獄如箭射極苦若為當兀兀過朝夕都不別賢良好惡

總不識猶如豬及羊共語如木石嫉妬似顛狂不自見
已過如豬在圈臥不知自償債却笑牛牽磨

人生在塵蒙恰似盆中蟲終日行遶遶不離其盆中神

仙不可得一作比煩惱計無窮歲月如流水須臾作老翁

寒山出此語復似顛狂漢有事對面說所以足人怨心

真一作直出語直直心無背面臨死度奈河誰是嘍囉漢

冥冥泉臺路被業相拘絆

我見多知漢終日用心神岐路逞嘍囉欺謾一切人唯

作地獄滓不修正直因忽然無常至定知亂紛紛

寄語諸仁者復以何為懷遠道見自性自性即如來天
真元具足修證轉差迴棄本却逐末只守一場豽

世有一般人不惡又不善不識主人公

一作翁

隨客處處

轉因循過時光渾是癡肉嚙雖有一靈臺如同客作漢
常聞釋迦佛先受然燈記然燈與釋迦只論前後智前
後體非殊異中無有異一佛一切佛心是如來地

常聞國大臣朱紫簪纓祿富貴百千般貪榮不知辱奴

馬滿宅舍金銀盈帑屋癡福暫時扶埋頭作地獄忽死
萬事休男女當頭哭不知有禍殃前路何疾速家破冷
飈飈食無一粒粟凍餓苦悽悽良由不覺觸

上人心猛利一聞便知妙中流心清淨審思云甚要下

士鈍暗癡頑皮最難裂直待血淋頭

一作
滴

始知自摧滅

看取開眼賊鬧市集人決死屍棄如塵此時向誰說男
兒大丈夫一刀兩段截人面禽獸心造作何時歇

我有六兄弟就中一箇惡打伊又不得罵伊又不著處

處無奈何耽財好淫殺見好埋頭愛貪心過羅刹阿爺
惡見伊阿孃嫌不悅昨被我捉得惡罵恣情掣趕向無
人處一一向伊說汝今須改行覆車須改轍若也不信
受共汝惡合殺汝受我調伏我共汝覓活從此盡和同
如今遇菩薩學業攻鑪冶鍊盡三山鐵至今靜恬恬衆
人皆讚說

昔日極貧苦夜夜數他寶今日審思量自家須營造掘
得一寶藏純是水精珠大有碧眼賈密擬買將去余即

報渠言此珠無價數

一生慵懶作憎重只便輕他家學事業余持一卷經無
心裝標軸來去省人擎應病則說藥方便度衆生但自
心無事何處不惺惺

我見出家人不入出家學欲知真出家心淨無繩索澄

澄孤

一作絕

玄妙如如無倚託三界任縱橫四生不可泊

無為無事人逍遙實快樂

昨到雲霞觀忽見仙尊士星冠月帔橫盡云居山水余

問神仙術云道若為比謂言靈無上妙藥心神秘守死
待鶴來皆道乘魚去余乃返窮之推尋勿道理但看箭
射空須臾還墜地饒你得仙人恰似守屍鬼心月自精
明萬象何能比欲知仙丹術身內元神是莫學黃巾公
巾一
云石握愚自守擬

余家

一作鄉

有一宅其宅無正主地生一寸草水垂一滴

露火燒六箇賊風吹黑雲雨子細尋本人布裏真珠爾
傳語諸公子聽說石齊奴僮僕八百人水碓三十區舍

下養魚鳥樓上吹笙竽伸頭臨白刃癡心為綠珠

何以長惆悵人生似朝菌那堪數十年親舊凋落盡以

此思自哀哀情不可忍奈何當奈何託

一作脫

體歸山隱

縵縷闕前業莫訶今日身若言由冢墓

一作宅

箇是極癡

人到頭君作鬼豈令男女貧皎然易解事作麼無精神

我見黃河水凡經幾度清水流如急箭人世若浮萍癡

屬根本業無明煩惱阮輪迴幾許劫只為造迷盲

二儀既開闢人乃居其中迷汝即吐霧醒汝即吹風惜

汝即富貴奪汝即貧窮碌碌羣漢子萬事由天公

余勸諸稚子急離火宅中三車在門外載你免飄蓬露

地四衢坐當天萬事空十方無上下來去一作往任西東

若得箇中意縱橫處處通

可歎浮生人悠悠何日了朝朝無閑時年年不覺老總

為求衣食令心一作人生煩惱擾擾百千年去來三惡道

時人尋雲路雲路杳無蹤山高多險峻澗澗少玲瓏碧

嶂前兼後白雲西復東欲知雲路處雲路在虛空

寒山棲隱處絕得雜人過時逢林內鳥相共唱山歌瑞
草聯谿谷老松枕嵯峨可觀無事客憇歇在巖阿

五嶽俱成粉須彌一寸山大海一滴水吸入在一作心

田生長菩提子徧蓋天中天語汝慕道者慎莫繞十纏

無衣自訪覓莫共狐謀裘無食自采取莫共羊謀羞借

皮兼借肉懷歎復懷愁皆緣義失所一作所失衣食常不周

自羨山間樂逍遙無倚託逐日養殘軀閑思無所作時

披古佛書往往登石閣下窺千尺崖上有雲盤泊一作礫

寒月冷颼颼身似孤飛鶴

我見轉輪王千子常圍繞十善化四天莊嚴多七寶七
寶鎮隨身莊嚴甚妙好一朝福報盡猶若棲蘆鳥還作
牛領蟲六趣受業道况復諸凡夫無常豈長保生死如
旋火輪迴似麻稻不解早覺悟為人枉虛老

平野水寬濶丹丘連四明仙都最高秀羣峰聳翠屏遠
遠望何極矼矼勢相迎獨標海隅外處處播嘉名

可貴一名山七寶何能比松月颼颼冷雲霞片片起匿

匪幾重山迴還多少里谿澗靜澄澄快活無窮已
我見世間人生而還復死昨朝猶二八壯氣胸襟士如
今七十過力困形憔悴恰似春日花朝開夜落爾

迴聳霄漢外雲裏路岩峽瀑布千丈流如鋪練一條下
有棲心窟橫安定命橋雄雄鎮世界天台名獨超

盤陔石上坐谿澗冷淒淒靜玩偏嘉麗虛巖蒙霧迷怡
然憇歇處日斜樹影低我自觀心地蓮花出淤泥

隱士遁人間多向山中眠青蘿疎麓麓碧澗響聯聯騰

騰且安樂悠悠自清閑免有染世事心靜如白蓮

寄語食肉漢食時無逗留今生過去種未來今日修只
取今日美不畏來生憂老鼠入飯甕雖飽難出頭

自從出家後漸得養生趣伸縮四肢全勤聽六根具

揭一作衣隨春冬一作糲食供朝暮今日懇懇修願與佛

相遇

五言五百篇七字七十九三字二十一都來六百首一

例書巖石自誇云好手若能會我詩真是如來母

世事繞

一作何

悠悠貪生早晚

一作未肯休

研盡大地石何時

得歇頭四時周

一作凋

變易八節急如流為報火宅主露

地騎白牛

可笑五陰窟四蛇共同

一作同苦

居黑暗無明燭三毒遞相

驅伴黨六箇賊劫掠法財珠斬却魔軍輩安泰湛如蘇

嘗聞漢武帝爰及秦始皇俱好神仙術延年竟不長金

臺既摧折沙丘遂滅亡茂陵與驪嶽今日草茫茫

憶得二十年徐步國清歸國清寺中人盡道寒山癡癡

人何用疑疑不解尋思我尚自不識是伊爭得知低頭
不用問問得復何為有人來罵我分明了了知雖然不
應對却是得便宜

語你出家輩何名為出家奢華求養活繼綴族姓家美
舌甜脣紫諂曲心鉤加終日禮道場持經置功課鑪燒
神佛香打鐘高聲和六時學一作養客春晝夜一作夜不得

臥只為愛錢財心中不脫灑見他高道人却嫌誹謗罵
驢屎比麝香苦哉佛陀耶又見出家兒有力及無力上

上高節者鬼神欽道德君王分輦坐諸侯拜迎逆堪為
世福田世人須保惜下下低愚者詐現多求覓濁濫即
可知愚癡愛財色著却福田衣種田討衣食作債稅牛
犁為事不忠直朝朝行弊惡往往痛齧脊不解善思量
地獄苦無極一朝著病纏三年臥牀席亦有真佛性翻
作無明賊南無佛陀耶遠求彌勒

寒巖深更好無人行此道白雲高岫閑青嶂孤猿嘯我
更何所親暢志自宜老形容寒暑遷心珠甚可保

巖前獨靜坐圓月當天耀萬象影現中一輪本無照廓
然神自清含虛洞玄妙因指見其月月是心樞要

本志慕道倫道倫常獲親時逢杜一作社源客每接話禪

賓談玄月明夜探理日臨晨萬機俱泯迹方識本來人
元非隱逸士自號山林人仕魯蒙幘帛且愛裹疎巾道
有巢許操恥為堯舜臣獼猴罩帽子學人避風塵

自古諸哲人不見有長存生而還復死盡變作灰塵積
骨如毘富別淚成海津唯有空名在豈免生死輪

今日巖前坐坐久煙雲收一道清溪冷千尋碧嶂頭白
雲朝影靜明月夜光浮身上無塵垢心中那更憂
千雲萬水間中有一閑士白日遊青山夜歸巖下睡條
爾過春秋寂然無塵累快哉何所依靜若秋江水
勸你休去來莫惱他閻老失脚入三途粉骨遭千擣長
為地獄人永隔今生道勉你信余言識取衣中寶
世間一等流誠堪與人笑出家弊己身誰俗將為道雖
著離塵衣衣中多養蚤不如歸去來識取心王好

高高峰頂上四顧極無邊獨坐無人知孤月照寒泉

中且無月月自在青天吟此一曲歌歌終一作中不是禪

有箇王秀才笑我詩多失云不識蜂腰仍不會鶴膝平

側不解壓凡言取次出我笑你作詩如盲徒詠日

我住在村鄉無爺亦無娘無名無姓第人喚作張王並

無人教我貧賤也尋常自憐心的實堅固等金剛

寒山出此語此語無人信蜜甜足人嘗黃蘗苦難近一作

吞順情生喜悅逆意多瞋恨但看木傀儡弄了一場困

我見人轉經依他言語會口轉心不轉心口相違背心
真無委曲不作諸纏蓋但且自省躬莫覓他替代可中
作得主是知無內外

寒山唯白雲寂寂絕埃塵草座山家有孤燈明月輪石
牀臨碧沼虎鹿每為鄰自羨幽居樂長為象外人

鹿生深林中飲水而食草伸脚樹下眠可憐無煩惱繫
之在華堂餽饌極肥好終日不肯嘗形容轉枯槁

花上黃鶯子啾啾

一作
關關

聲可憐美人顏似玉對此弄鳴

弦翫之能不足眷戀在韶年花飛鳥亦散灑淚秋風前
棲遲寒巖下偏訝最幽竒攜籃采山茹挈籠摘果歸疎
齋敷茅坐啜啄食紫芝清沼濯瓢鉢雜和煮稠稀當陽
擁裘坐閑讀古人詩

昔日經行處今復七十年故人無來往

一作往來

埋在古冢

間余今頭已白猶守片雲山為報後來子

一作者

何不讀

古言

欲向東巖去于今無量年昨來攀葛上半路困風煙徑

窄衣難進苔粘履不全住茲丹桂下且枕白雲眠

我見利智人觀者便知意不假尋文字直入如來地心
不逐諸緣意根不妄起心意不生時內外無餘事

身著空花衣足躡龜毛履手把兔角弓擬射無明鬼

君看葉裏花能得幾時好今日畏人攀明朝待誰埽可
憐嬌豔情年多轉成老將世比於花紅顏豈長保

畫棟非吾宅松

一作青

林是我家一生俄爾過萬事莫言

賒濟渡不造筏漂淪為采花善根今未種何日見生芽

出生三十年當

一作常

遊千萬里行江青草合入塞紅塵

起鍊藥空求仙讀書兼詠史今日歸寒山枕流兼洗耳

寒山無漏巖其巖甚濟要八風吹不動萬古人傳妙寂
寂好安居空空離譏誚孤月夜長明圓日常來照虎丘
兼虎谿不用相呼召世間有王傳莫把同周邵我自遊
寒巖快活長歌笑

沙門不持戒道士不服藥自古多少賢盡在青山脚

一本

連前作

一首

有人笑我詩我詩合典雅不煩鄭氏箋豈用毛公解不
恨會人稀只為知音寡若遣趣宮商余病莫能罷忽遇
明眼人即自流天下

三字詩六首

寒山道無人到若能行稱十號有蟬鳴無鴉噪黃葉落
白雲掃石磊磊山隩隩我獨居名善導子細看何相好
寒山寒冰鎖石藏山青現雪白日出照一時釋從茲暖
養老客

我居山勿人識白雲中常寂寂

寒山深稱我心純白石勿黃金泉聲響撫伯琴有子期

辨此音

重巖中足清風扇不搖涼冷

一作氣

通明月照白雲籠獨

自坐一老翁

寒山子長如是獨自居不生死


拾遺二首新添

我見世間人箇箇爭意氣一朝忽然死只得一片地闊

四尺長丈二汝若會出來爭意氣我與汝立碑記

家有寒山詩勝汝看經卷書放屏風上時時看一徧上已

詩除拾遺二首老僧相傳其
外皆依古印本排比次第耳



御定全唐詩卷八百六

欽定四庫全書

集部

御定全唐詩卷八百七
十至

詳校官庶吉士臣何道沖

主事銜臣徐以坤覆勘

總校官知縣臣繆琪

校對官中書臣金兆悌

謄錄監生臣金拱闈

欽定四庫全書

御定全唐詩卷八百七

拾得

拾得貞觀中與豐干寒山相次垂跡於國清寺初豐干
禪師遊松徑徐步赤城道上見一子年可十歲遂引至
寺付庫院經三紀今知食堂每貯食滓於竹筒寒山子
來負之而去一夕僧衆同夢山王云拾得打我旦見山
王果有杖痕衆大駭及問丘太守禮拜後同寒山子出

寺沈迹無所後寺僧於南峰采薪見一僧入巖挑鎖子
骨云取拾得舍利方知在此巖入滅因號為拾得巖今
編詩一卷

詩

諸佛留藏經只為人難化不唯賢與愚箇箇心構架造
業大如山豈解懷憂怕那肯細尋思日夜懷姦詐

嗟見世間人箇箇愛喫肉盃碟不曾乾長時道不足昨
日設箇齋今朝宰六畜都緣業使牽非干情所欲一度

造天堂百度造地獄閻羅使來追合家盡啼哭鑪子邊
向火鑊子裏澡浴更得出頭時換却汝衣服

出家要清閑清閑即為貴如何塵外人却入塵埃裏一
向迷本心終朝役名利名利得到身形容已顛顛況復

不遂者虛用平生志可憐無事人未能笑得爾

一作汝

養兒與娶妻養女求媒娉重重皆是業更殺衆生命聚
集會親情總來看盤釘目下雖稱心罪簿先注定

得此分段身可笑好形質面貌似銀盤心中黑如漆烹

豬又宰羊誇道甜如蜜死後受波吒更莫稱冤屈

佛哀三界子總是親男女恐沈黑暗阮示儀垂化度盡
登無上道俱證菩提路教汝癡衆生慧心勤覺悟

佛捨尊榮樂為愍諸癡子早願悟無生辦集無上事後
來出家者多緣無業次不能得衣食頭鑽入於寺

嗟見世間人永劫在迷津不省這箇意修行徒苦辛

我詩也是詩有人喚作偈詩偈總一般讀時一作須子

細緩緩細披尋不得生容易依此學修行大有可笑事

有偈有千萬卒急速應難若要相知者但入天台山巖
中深處坐說理及談玄共我不相見對面似千山
世間億萬人面孔不相似借問何因緣致令遣如此各
執一般見互說非兼是但自修己身不要言他已

男女為婚嫁俗務是常儀自量其事力何用廣張施取
債誇人我論情入骨癡殺他雞犬命身死墮阿鼻

世上一種人出性常多事終日傍街衢不離諸酒肆為
他作保見替他說道理一朝有乖張過咎全歸你

我勸出家輩須知教法深專心求出離輒莫染貪淫大

有俗中士知非不愛一作受金故知君子志任運聽浮沈

寒山住一作自寒山拾得自拾得凡愚豈見知豐干却相

識見時不可見覓時何處覓借問有何緣却道無為力

從來是拾得不是偶然稱別無親眷屬寒山是我兄兩

人心相似誰能徇俗情若問年多少黃河幾度清

若解捉老鼠不在五白猫若能悟理性那由錦繡包真

珠入席袋佛性止蓬茅一羣取相漢用意總無交

運心常寬廣此則名為布轍已惠於人方可名為施後
來人不知焉能會此義未設一庸僧早擬望富貴

獼猴尚教得人何

一作可

不憤發前車既落坑後車須改

轍若也不知此恐君惡合殺此

一作比

來是夜叉變即成

菩薩

自從到此天台寺經今早已幾冬春山水不移人自老

見却多少後生人

一作寒山詩

君不見三界之中紛擾擾只為無明不了絕一念不生

心澄然無去無來不生滅

一本以上二首合作一首

故林又斬新剡源谿上人天姥峽關嶺通同次海津灣
深曲島間淼淼水雲雲借問松禪客日輪何處暎

自笑老夫筋力敗偏戀松巖愛獨遊可歎往年至今日
任運還同不繫舟

一入雙谿不計春鍊暴黃精幾許斤鑪竈石鍋頻煮沸
土甑久烝氣味珍誰來幽谷餐仙食獨向雲泉更勿人

延齡壽盡招手石

一作拍手去

此棲終不出山門

躑躅一羣羊沿山又入谷看人貪竹塞且遭豺狼逐元
不出孳生便將充口腹從頭喫至尾餉餉無餘肉

銀星釘稱衡綠絲作稱紐買人推向前賣人推向後不

顧他心一作人怨唯言我好手死去見閻王背後挿掃帚

閉門私造罪準擬免災殃被他惡部童抄得報閻王縱
不入鑊湯亦須臥鐵牀不許雇人替自作自身當

悠悠塵裏人常道塵中樂一作常樂
塵中趣我見塵中心生

多一作多生慙顧何哉慙此流念被塵中苦

無去無來本湛然不居內外及中間一顆水精絕瑕翳
光明透滿出人天

少年學書劍叱馭到荆

一作京

州聞伐匈奴盡婆娑無處

遊歸來翠巖下席草翫

一作枕

清流壯士志未騁

一作朱絨 獼

猴騎土牛

三界如轉輪浮生若流水蠢蠢諸品類貪生不覺死汝
看朝垂露能得幾時子

閑入天台洞訪人人不知寒山為伴侶松下噉靈芝每

談今古事嗟見世愚癡箇箇入地獄早晚一作那得出頭時

古佛路淒淒愚人到却迷只緣前業重所以不能知欲

識無為理心中不挂絲生生勤苦學必定覩天一作吾師

各有天真佛號之為寶王珠光日夜照玄妙卒難量盲

人常兀兀那肯怕災殃唯貪淫泆業此輩實堪傷

出家求出離哀念苦衆生助佛為揚化令教選路行何

曾解救苦恣意亂縱橫一時同受溺俱落大深坑

常飲三毒酒昏昏都不知將錢作夢事夢事成鐵圍以

苦欲捨苦捨苦無出期應須早覺悟覺悟自歸依

雲山疊疊幾千重幽谷路深絕人蹤碧澗清流多勝境

時來鳥語合人心

後來出家子論情入骨癡本來求解脫却見一作如何受驅

馳終朝遊俗舍禮念作威儀博錢沽酒喫翻成客作兒

若論常一作無事閑快活唯有隱居人林花長似錦四季色

常新或向巖間坐旋瞻見桂輪雖然身暢逸却一作猶念

世間人

我見出家人總愛吃酒肉此合上天堂却沈歸地獄念

得兩卷經欺他道

一作市

鄜俗豈知鄜俗士大有根性熟

下五首與前

長偈語句同

我見頑鈍人燈心柱

一作挂

須彌蟻子齧大樹焉知氣力

微學咬兩莖菜言與祖師齊火急求懺悔從今輒莫迷

若見月光明照燭四天下圓暉掛太虛瑩淨能蕭灑人

道有虧盈我見無衰謝狀似摩尼珠光明無晝夜

余住無方所盤泊

一作磳

無為理時陟涅槃山或翫香林

寺尋常只是閒言不干名利東海變桑田我心誰管你

左手握驪珠右手執慧劍先破一作射無明賊神珠自吐

一作吐光燄傷嗟愚癡人貪愛那生厭一墮三途間始覺前

程險

般若酒泠泠飲多人易醒余住天台山凡愚那見形常

遊深谷洞終不逐時情無思亦無慮無辱亦無榮此下與寒

山詩大同小異語意相涉

平生何所憂此世隨緣過日月如逝波光陰石中火任

他天地移我暢巖中坐

嗟見多知漢終日枉用心岐路逞嘍囉欺謾一切人唯
作地獄滓不修來世因忽爾無常到定知亂紛紛

迢迢山徑峻萬仞險隘危石橋莓苔綠時見白一作雲

飛瀑布懸如練月影落潭暉更登華頂上猶待孤鶴期

松月一作風冷颼颼片片雲霞起匝匝幾重山縱目千萬

里谿潭水澄澄澈底鏡相似可貴靈臺物七寶莫能比
世有多解人愚癡學閒文不憂當來果唯知造惡因見

佛不解禮覩僧倍生瞋五逆十惡輩三毒以為鄰死去
入地獄未有出頭辰

人生浮世中箇箇願富貴高堂車馬多一呼百諾至吞
併田地宅準擬承後嗣未逾七十秋冰消瓦解去

水浸泥彈丸思量無道理浮漚夢幻身百年能幾幾不
解細思惟將言長不死誅剝壘千金留將與妻子

雲林最幽棲傍澗枕月谿松拂盤陀石甘泉涌淒淒靜

坐偏佳麗虛巖矇霧迷怡然居憇地日

以下
缺

可笑是林泉數里少人煙雲從巖嶂起瀑布水潺潺猿啼唱道曲虎嘯出人間松風清颯颯鳥語聲關關獨步繞石澗孤陟上峰巒時坐盤陀石偃仰攀蘿沿遙望城

隍處惟聞鬧喧喧

此首係別本增入

豐干

豐干禪師居天台山國清寺晝則舂米供僧夜則扃房吟詠一日騎虎松徑來入國清巡廊唱道衆皆驚怖嘗於京輦為閭丘太守救疾閭丘之任台州便至國清問

豐干禪院所在云在經藏後無人住得每有一虎時來
此吼閭丘至師院開房惟見虎迹今存房中辟上詩二
首

辟上詩二首

余自來天台凡

一作曾

經幾萬迴一身如雲水悠悠任去

來道遙絕無鬧忘機隆佛道世途岐路心衆生多煩惱
兀兀沈浪海漂漂輪三界可惜一靈物無始被境埋電
光瞥然起生死紛塵埃寒山特相訪拾得常往來論心

話明月太虛廓無礙法界即無邊一法普徧該
本來無一物亦無塵可拂若能了達此不用坐兀兀

御定全唐詩卷八百七

欽定四庫全書

御定全唐詩卷八百八

慧宣

慧宣常州法師與道恭同召詩三首

奉和寶使君同恭法師詠高僧二首

竺佛圖澄

大誓憫塗炭乘機入生死中州法既弘葛陂暴亦止
乳孔光一室掌鏡徹千里道盛咒蓮華災生吟棘子埋石

綠雖謝流沙化方始

釋僧肇

般若唯絕鑿涅槃固無名先賢未始覺之子唱希聲秦
王嗟理詣童壽揖詞清徽音聞盧岳精難動中京適驗
方袍裏奇才復挺生

秋日遊東山寺尋殊曇二法師

木落樹蕭慘水清流寥寂屬此悲哉氣復茲羈旅感奚
用寫煩憂山泉恣遊歷萬丈窺深澗千尋仰絕壁傍嶺

竹參差緣崖藤罽懸行行極幽邃去去逾空寂果值息
心侶喬枝方挂錫圍遶悉梅檀純良豈沙磔妙法誠無
比深經解怨敵心歡即頂禮道存仍目擊慧刀幸已逢
疑網於焉析豈直却煩惱方期拯沈溺

句

如蒙一被服方堪稱福田

評賜玄奘衲袈
裝三藏法師傳

法宣

法宣常州弘業寺沙門隋末人入唐常勅召至東都詩

二首

愛妾換馬

朱鬣飾金鑣紅妝束素腰似雲來蹀躞如雪去飄飄桃
花含淺汗柳葉帶餘嬌騁光將獨立雙絕不一作難俱標

和趙王觀妓

桂山畱上客蘭室命妖嬈城中畫廣黛宮裏束纖腰舞
袖風前舉歌聲扇後嬌周郎不須顧今日管絃調

慧侶

慧侶晉陵曲阿人姓湯住蔣州大歸善寺詩二首

聽獨杵搥衣

非是無人助意欲自鳴砧向月憐孤影承風送迴音疑
擣雙絲練似奏一絃琴令

一作今

君聞獨杵知妾有專心

聞侯方兒來寇

羊皮贖去士馬革斂還尸天下方無事孝廉非哭時

慧淨

慧淨俗姓房氏真定人開皇大業中即擅道譽貞觀初

主紀國寺房玄齡結爲法友高宗在東宮復請爲普光
寺主詩四首

和琳法師初春法集之作

鷲嶺光前選祇園表昔恭哲人崇踵武弘道會羣龍高
座登蓮葉塵尾振霜松塵飛揚雅梵風度引疎鐘靜言
澄義海發一作叢論上詞鋒心虛道易合跡廣席難重和
風動淑氣麗日起時雍高才拔雅什顧已濫朋從因茲
仰積善靈華庶可逢

與英才言聚賦得昇天行

馭風過閬苑控鶴下瀛洲欲採三芝秀先從千仞遊
駕鳳吟虛管乘槎泛淺流顏齡一已駐方驗大椿秋

和盧贊府遊紀國道場

日光通漢室星彩晦周朝法城從此構香閣本岩窈
株盤仰承露剝鳳俯摩霄落照侵虛牖長虹拖跨橋
高才暫騁目雲藻隨一作遂飄颻欲追千里驥終是謝連鑣

冬日普光寺臥疾值雪簡諸舊遊

卧疴苦留滯，闢戶望遙天。
寒雲舒復卷，落雪斷還連。
凝華照書閣，飛素浣琴弦。
迴飄洛神賦，皎映齊紈篇。
紫階如鶴舞，拂樹似花鮮。
徒賞豐年瑞，沈憂終自憐。

雜言

一作義淨詩

觀化祇山頂，流睇古王城。
萬載池猶潔，千年苑尚清。
髣髴影堅路，摧殘廣脇楹。
七寶仙臺亡舊迹，四彩天花絕。
雨聲聲華日以遠，自恨生何晚。
既傷火宅眩中門，還嗟寶渚迷長坂。
步陟平郊望心遊，七海上擾擾三界溺邪。

津渾渾萬品忘真匠唯有能仁獨圓悟廓塵靜浪開玄
路創逢肌命棄身城更為求人崩意樹持囊畢契戒珠
淨被甲要心忍衣固三祇不倦陵二車一足忘勞超九
數定漱江清沐久結智劍霜凝斬新霧無邊大劫無不
修六時愍生遵六度度有流光功德收金河示滅歸常
住鶴林權唱演功周聖德佳音傳餘響龍宮秘典海中
探石室真言山處仰流教在茲辰傳芳代有人沙河雪
嶺迷朝徑巨海鴻崖亂夜津入萬死求一生投針偶穴

非同喻束馬懸車豈等程不徇今身樂無祈後代榮誓
舍危軀追勝義咸希畢契傳燈情勞歌勿復陳延眺且
周巡東睇女巒留二迹西馳鹿苑去三輪北睨舍城池
尚在南睇尊嶺穴猶存五峰秀百池分粲粲鮮花明四
曜輝輝道樹鏡三春揚錫指山阿攜步上祇陀既覩如
來疊衣石復觀天授迸餘峨佇靈鎮梵嶽凝思遍生河
金花逸掌儀前奉芳蓋陵虛殿後過旋遶經行砌目想
如神契迴斯少福澗生津共會龍華捨塵翳

海順

海順姓任氏蒲坂人隋代出家仁壽寺武德初元示化
詩三首

三不為篇

我欲偃文修武身死名存斫石通道祈井流泉君肝在
內我身處邊荆軻拔劍毛遂捧盤不為則已為則不然
將恐兩虎共鬪勢不俱全永 今好長絕來怨是以返

跡荒徑息影柴門

第十三句
缺一字

我欲刺股錐刃懸頭屋梁書臨雪彩牒映螢光一朝鵬
舉萬里鸞翔縱任才辯遊說君王高車反邑衣錦還鄉
將恐鳥殘以羽蘭折由芳籠餐詎貴鉤餌難嘗是以高
巢林藪深穴池塘

我欲銜才鬻德入市趨朝四衆瞻仰三槐附交標形引
勢身達名超箱盈綺服厨富甘肴諷揚弦管詠美歌謠
將恐塵栖弱草露宿危條無過日旦靡越風朝是以還
傷樂淺非惟苦遙

道恭

道恭蘇州法師貞觀中嘗以高行召至京師詩一首

出賜玄奘衲袈娑衣應制

福田資象德聖種理幽薰不持金作縷還用綵成文
朱青自掩映翠綺相氤氳獨有離離葉恒向稻畦分

辨才

辨才唐初人姓袁氏居越州永欽寺智永弟子詩一首

設缸面酒款蕭翼探得來字

何延之蘭亭記云
太宗購右軍書獨

未得蘭亭真蹟初此記在右軍七代孫智永所
永傳才師才鑿梁上貯之保惜甚至太宗嘗勅
召才面問數四固以亡失對帝知不可奪以翼
多權謀令充使詭取翼改服稱山東書生攜二
王雜帖數通赴越州徑造才院才一見款密留
宿設缸面酒江東缸面猶河北稱甕頭蓋初熟
酒也各探韻賦詩經旬朔談論翰墨出所攜帖
示之才云此未佳因言藏有蘭亭于梁上出視
之翼故疑為響榻駁辨留置几案一日伺其不
在徑取之乘驛歸上太宗報命授翼員外郎仍
賜才物三千段穀三千石才驚惋歲餘卒

初醞一缸開新知萬里來披雲同落窈步月共裴回夜
久孤琴思風長旅鴈哀非君有秘術誰照不然灰

僧鳳

僧鳳姓蕭氏少工文翰師祭大師爲僧貞觀中召主普
集定水二寺詩一首

書遺文後

苦哉黑闇女樂矣功德天智者俱不受愚夫納二邊我
奉能仁教歸依彌勒前願闡摩訶衍成就那羅延

利涉

利涉西域婆羅門也從玄奘三藏入中國詩一首

譏韋玘吟以韋字爲韻

高僧本傳明皇開元初秘校韋玘奏釋道二教

靈政欲與定勝負帝集三教內殿玘與涉辨理屈涉復以韋字爲韻揭調長吟云云帝憶阿韋

之事凜然變色玘象州以錢絹賚涉造寺

我之佛法是無爲何故今朝得有爲無韋始得三數載
不知此復是何韋

道會

道會姓史氏捷爲武陽人住益州嚴遠寺貞觀中入京
被誣繫獄放歸卒詩一首

別三輔諸僧

去住俱為客分悲損性情共作無期別誰能訪死生

中寤

中寤蜀州僧詩一首

贈王仙柯

詩話總龜云仙柯蜀人住青城翠圍山下在儀鳳中得道仙去中寤於龍

池山遇之曰聞仙名已久胡為在此仙柯曰吾等有靈藥止能飛步今全家隱於後山更修道

法耳寤
贈以詩

瞻思不及望仙兄早晚昇霞入太清手種一株松未老

爐燒九轉藥新成心中已得黃庭術頭上應無白髮生

異日却歸華表語

一作柱

待教凡俗普聞名

義淨

一作淨義

義淨字文明范陽人俗姓張氏咸亨初往西域徧歷三十餘國經二十五年求得梵本四百部歸譯之詩六首

在西國懷王舍城

一三五
七九言

遊愁赤縣遠丹思抽鷺嶺寒風駛龍河激水流既喜朝聞日復日不覺顏年秋更秋已畢耆山本願城難遇終

望持經振錫住神州

與無行禪師同遊鷲嶺瞻奉既訖遐眺鄉關無

任殷憂聊述所懷為雜言詩

一作慧
淨詩

觀化祇山頂流睇古王城萬載池猶潔千年苑尚清
鬢影豎路摧殘廣脇嶮七寶仙臺亡舊跡四彩天花絕
雨聲聲華日以遠自恨生何晚既傷火宅眩中門還嗟
寶渚迷長坂步陟平郊望心遊七海上擾擾三界溺邪
津渾渾萬品亡真匠唯有能仁獨圓悟廓塵靜浪開玄

路創逢肌命棄身城更爲求人崩意樹持囊畢契戒珠
淨被甲要心忍衣固三祇不倦陵二車一足忘勞起九
數定湫江清沐久結智劍霜凝斬新霧無邊大劫無不
脩六時愍生遵六度度有流光功德收金河示滅歸常
住鶴林權唱演功周聖徒往昔一作聖德佳音傳餘響龍宮秘
典海中探石室真言山處仰流教在茲辰傳芳代有人
沙河雪嶺迷朝徑巨海鴻崖亂夜津入萬死求一生投
針偶穴非同喻束馬懸車豈等程不徇今身樂無祈後

代榮誓捨危軀追勝義咸希畢契傳燈情勞歌勿復陳
延眺且周巡東睇女巒留二迹西馳鹿苑去三輪北睨
舍城池尚在南睇尊嶺穴猶存五峰秀百池分粲粲鮮
花明四曜輝輝道樹鏡三春揚錫指山阿攜步上祇陀
既覩如來疊衣石復觀天授迸餘峩佇靈鎮梵嶽凝思
遍生河金花逸掌儀前奉芳蓋陵虛殿後過旋逶徑行
砌目想如神契迴斯少福潤生津共會龍華捨塵翳

玄達律師言離廣府還望桂林去留愴然自述

贈懷

標心之梵宇運想入仙洲
嬰痼乖同好沈情阻若抽葉
落乍難聚情離不可收
何日乘杯至詳觀演法流

余以咸亨元年在西京尋聽于時與并部處一
法師萊州弘禕論師更有三二諸德同契鷲嶺
標心覺樹然而一公屬母親之年老遂懷戀於
并州禕師遇玄瞻於江寧乃叙情於安養玄遠
既到廣府復阻先期唯與晉州小僧善行同去

神州故友索爾分飛
印度新知冥焉未會此時
躑躅難以為懷
戲擬四愁聊題兩絕

我行之數萬愁緒百重思
那教六尺影獨步五天陞
上將可陵師匹夫志難移
如論惜短命何得滿長祇

西域寺

衆美仍羅列羣英已古今也
知生死分那得不傷心
道希法師求法西域終於菴
摩羅跋國後因巡
禮希公住房傷其不幸聊題一絕

百苦忘勞獨進影
四恩在念契流通
如何未盡傳燈志
溘然于此遇途窮

寶月

寶月開元時與無畏法師譯經十餘部詩一首

行路難

君不見孤鴈關外發
酸嘶度揚越
空城客子心腸斷
幽閨思婦氣欲絕
凝霜夜下拂羅衣
浮雲中斷開明月
夜夜遙遙徒相思
年年望望情不歇
取我匣中青銅鏡
情

人為我一作君除白髮行路難行路難夜聞南城漢使度

使我流淚憶長安

景雲

景雲善草書與岑參同時詩三首

老僧

一作鄭
祭詩

日照西山雪老僧門始一作未開凍瓶粘柱礎宿火陷爐

灰童子病歸去鹿麋寒入來齋鐘知漸近一作遠枝鳥下

一作上生臺

谿叟

谿翁居處靜谿鳥入門飛早起釣魚去夜深乘月歸露
香菰米熟煙煖荇絲肥瀟灑塵埃外扁舟一草衣

畫松

畫松一似真松樹且待尋思記得無曾在天台山上見
石橋南畔第三株

理瑩

理瑩與寇坦同時詩一首

送戴三徵君還谷口舊居

巖穴多遺秀弓

一作公

車屢遠招周王尊涓叟潁客傲唐

堯出處天波洽關河地勢遙瞻星吳郡夜作霧華山朝

清論虛重席閑居挂一瓢漁歌思坐酌宸渥寵行軺春

為荷裳煖霜因葛履消層崖懸瀑溜萬壑振清飈谷鳥

猶

一作還

遷木場駒正

一作會

食苗謝安何日起台鼎佇君

調

金地藏

金地藏新羅國王子至德初航海居九華山詩一首

送童子下山

空門寂寞汝思家禮別雲房下九華愛向竹欄騎竹馬
懶於金地聚金沙添瓶澗底休招月烹茗甌中罷弄花
好去不須頻下淚老僧相伴有煙霞

懷素

懷素京兆人姓范

一作錢

從玄奘法師出家上元三年詔

住西太原寺尋歸西京以草書名詩二首

題張僧繇醉僧圖

人人送酒不曾沽
終日松間挂一壺
草聖欲成狂便發
真堪畫入醉僧圖

寄衡嶽僧

祝融高座對寒峰
雲水昭丘幾萬重
五月衲衣猶近火
起來白鶴冷青松

御定全唐詩卷八百八